

03 DEC 2002

DR MAHATHIR TIBA UNTUK LAWATAN SEHARI KE KEDAH

ALOR SETAR, 3 Dis (Bernama) -- Perdana Menteri Datuk Seri Dr Mahathir Mohamad hari ini tiba di Lapangan Terbang Sultan Abdul Halim, Kepala Batas dekat sini untuk lawatan kerja sehari ke Kedah.

Dr Mahathir, yang diiringi isteri Datin Seri Dr Siti Hasmah Mohd Ali, tiba dengan pesawat khas pada 2.05 petang.

Ketibaan mereka disambut Menteri Besar Datuk Seri Syed Razak Syed Zain, anggota-anggota Exco kerajaan negeri serta para pegawai kanan kerajaan.

Dr Mahathir dan isteri dijadual menyampaikan sumbangan Hari Raya kepada anak-anak yatim di Dewan Jitra dan melawat Pekan Rabu sebelum menghadiri majlis berbuka puasa bersama penduduk di Masjid Kampung Gelong Rambai, Jitra.

Semasa dalam perjalanan ke Dewan Jitra, Perdana Menteri akan singgah dan bertemu mangsa kebakaran sederet lima rumah kedai yang mengorban seorang nenek, Samsidar Sidi, 66, di pekan Kepala Batas, awal pagi ini.

Perdana Menteri dijadualkan pulang ke Kuala Lumpur malam ini.

-- BERNAMA

ZA RSL FAJ NAK